

ԱՐԵՎՄՏՅԱՆ ՀԱՅԱՍՏԱՆԻ ԻՆՓՆԱՎԱՐՈՒԹՅԱՆ ՀԱՐՑԸ ԲԵՌԼԻՆԻ
1878 ԹՎԱԿԱՆԻ ՎԵՀԱԺՈՂՈՎԻՆ ՆԱԽՈՐԴՈՂ ՇՐՋԱՆՈՒՄ

Գ. Ա. ԳԱՆՈՑԱՆ

ՀՀ ԳԱԱ ակադեմիկոս

1876—77 թթ. Արևելյան ճգնաժամը խիստ կերպով սրեց եվրոպական տերությունների հակասությունները: Նրանցից յուրաքանչյուրը ձգտում էր այդ ճգնաժամն օգտագործել իր աշխարհակալական նպատակների իրականացման համար և որոշակի շահագրգռվածություն էր դրսևորում ռուս-թուրքական առճակատում խորացնելու հարցում: Մի կողմ նեոփեյ 1876 թ. մայիսի 13-ին Ռուսաստանի, Ավստրո-Հունգարիայի և Գերմանիայի միջև ստորագրված Բեռլինի հուլիսի 1-ի պատրաստակամություն էր հայտնվում պաշտպանելու Թուրքիայի քրիստոնյա բնակչության անվտանգությունը: Ռուսաստանը կրավորական դիրք չէր գրավում և հուլիս ուներ, որ Թուրքիայում քրիստոնյա ժողովուրդների ազդային-ազատագրական շարժումների ակտիվացումը նպաստավոր պայմաններ են ստեղծում իր զավթողական պլանների իրագործման համար:

Հայերի, հույների և քրիստոնյա մյուս ժողովուրդների ազատագրական շարժումների գործիչները պաշտպանում էին Ռուսաստանի նվաճողական քաղաքականությունը՝ դրանում տեսնելով Թուրքական բնակչական տիրապետությունից ազատվելու իրենց հնարավորություններից մեկը: Նրանք, միաժամանակ, մեծ հույսեր էին կապում եվրոպական տերությունների հետ, որոնք ևս, օգտագործելով քրիստոնյա ժողովուրդների ազատագրական շարժումները, ձգտում էին Թուրքիայի վրա ճնշում գործադրելու միջոցով հասնել իրենց քաղաքական պլանների իրագործմանը:

Այս հողի վրա Ռուսաստանի և եվրոպական տերությունների միջև մղվող պայքարը սիմվոլիկ էր վերջիններիս ընդդեմ Ռուսաստանի, Եթև Ռուսաստանը տեր դառնար սեփական նեղույների, որոնք նրա մշակական տնտեսության առարկան էին, և գրավեր Արևմտյան Հայաստանը, դա կարող էր սպառնալ եվրոպական բոլոր տերությունների կենսական շահերին:

1877 թ. ապրիլի 23-ին խզվեցին դիվանագիտական հարաբերությունները Ռուսաստանի և Թուրքիայի միջև: Հաջորդ օրը, ապրիլի 24-ին, բռնկվեց ռուս-թուրքական պատերազմը: Քողարկելով իր քաղաքական նկրտումները՝ Ռուսաստանը հայտարարեց, որ այդ պատերազմում իր հետապնդած գլխավոր նպատակը Թուրքիայի տիրապետության տակ գտնվող քրիստոնյա ճնշված ժողովուրդների ազատագրումն է: Այդ հայտարարությունը ոտքի հանեց ողջ արևելահայությանը: Հայկական թերթերը մեկը մյուսի հետևից սկսեցին տպագրել հոգևածներ, որոնցում մոտալուտ էր համարվում Ռուսաստանի միջոցով Արևմտյան Հայաստանի ազատագրումը:

Ոգևորված այդ հայտարարությամբ՝ արևելահայերը, արևմտահայերը, Կ. Պոլսի պատրիարքարանը, ազատագրական շարժման բոլոր գործիչները նպատակադրված օգնում էին ռուսական զորքերի առաջխաղացմանը, միաժամանակ հանդես բերելով մեծ զգուշություն՝ թուրքական իշխանությունների հետ ուղղակի առճակատումից խուսափելու համար:

Իսկ ռուսական Բերթերը («Московские ведомости», «Петербургские ведомости», «Православное обозрение») հայերին հորդորում էին հանդես գալու ինքնավարության պահանջով:

Մագնաճակատներում ռուսական զորքերի ձեռք բերած առաջին իսկ հաջողությունները խոր տազնապ էին առաջացրել եվրոպական տերություն-

ների և առաջին հերթին Անգլիայի քաղաքական շրջաններում: Ռուսաստանի առաջխաղացման դեմն առնելու նպատակով, մայիսին Անգլիան Ավստրո-Հունգարիային առաջարկեց հակառուսական դաշինք կնքել: Վերջինս, վախենալով, որ դա կարող է հանգեցնել Ռուսաստանի հետ անխուսափելի առճակատման, հրաժարվեց: Նրա շեղոթության վարձը եղավ Բոսնիայի և Հերցեգովինայի օկուպացիան¹:

Անգլիան փորձեց Ռուսաստանին վախեցնել պատերազմով: 1877 թ. մայիսի 6-ին Անգլիայի արտգործնախարար լորդ Դերբին նոտա հանձնեց Լոնդոնում Ռուսաստանի դեսպան Պ. Շուվալովին: Անգլիան զգուշացնում էր Ռուսաստանին, որ թույլ չի տա նրան շրջափակման ենթարկել Սուեզի ջրանցքը, գրավել (թեկուզ և ժամանակավորապես) Կ. Պոլիսը, փոխել սևծովյան նեղուցների կարգավիճակը:

Անգլիայի կառավարությունը շատ նրբորեն ուսական կառավարությանը «զցնեց» զաղտնի տեղեկություններ՝ Անգլիայի ռազմական պատրաստականությանը մասին: Անգլիացի պատմաբան Սեթըն-Ուաթսոնը վկայում է, որ լորդ Դերբիի կինը՝ Լեդի Դերբին, Շուվալովի հետ լինելով Քարբեկամական» հարաբերությունների մեջ, Արևելյան ճգնաժամի հենց սկզբից ուսական դեսպանին տեղեկացնում էր այն ամենի մասին, ինչ տեղի էր ունենում անգլիական կաթինետում²:

Հավատարմվ այդ տեղեկություններին՝ Պ. Շուվալովը Ալեքսանդր II-ին խորհուրդ էր տալիս հաշտվողական դիրք գրավել Անգլիայի նկատմամբ՝ պատերազմից խուսափելու համար: Կայսրն ընդառաջ գնաց: Անգլո-ռուսական առճակատումը կանխվեց՝ Պետերբուրգի կողմից արված հանգստացուցիչ հավաստիացումներով:

Պարզ է, որ Լեդի Դերբիի հաղորդած «զաղտնի» տեղեկությունները լորդ Դերբիի հանձնարարությանը էին կատարվում և նպատակ էին հետապնդում ոչ միայն կանխելու անգլո-ռուսական պատերազմը, որին Անգլիան պատրաստ չէր, այլև Ռուսաստանին ստիպելու հաշվի նստել Անգլիայի շահերի հետ:

Անգլիան շատ խիստ վախեցած էր ռուսական զորքերի առաջխաղացումից: Այդ տապալակի զրդապատճառներն ամբողջությամբ առնչվում էին Հայկական հարցին և արտահայտված են Կ. Պոլսում Անգլիայի նոր նշանակված գեսպան՝ Հենրի Լեյարդի՝ կառավարությանը գրած 1877 թ. մայիսի 30-ի զեկուցագրում:

«Ըթե Ռուսաստանը փորձի այժմ անեքսիայի ենթարկել եվրոպական Թուրքիայի ցանկացած մարզը,—գրում էր Լեյարդը,—ապա դրանով իսկ կշոշափվեն եվրոպական երկրների շահերը, որոնք էլ կխանգարեն Ռուսաստանին յուրադրվելու իր նպատակները... ինչ վերաբերում է Ռուսաստանի կողմից Փոքր Ասիայում տարածքներ գրավելուն, այստեղ հարցը այլ է. այստեղ կշոշափվեն բացառապես Անգլիայի շահերը: Հայաստանի անեքսիան Ռուսաստանի կողմից եվրոպական բոլոր երկրների համար, հավանաբար, շատ բան չի նշանակի: Սակայն Անգլիան պետք է հաշվի առնի Ռուսաստանի կողմից այդ կարևոր մարզի անեքսիայի ազդեցությունը՝ Հնդկաստանում բրիտանական տիրապետության տեսանկյունից»³:

Այստեղ ասված է ամեն ինչ՝ Հայկական հարցում Անգլիայի վարած քաղաքականությանը բուն իմաստը հասկանալու համար:

Ստանալով Լեյարդի հաղորդագրությունը՝ լորդ Դերբին իր մոտ հրավիրեց Պ. Շուվալովին և հայտարարեց, որ եթե ռուսական զորքերը գրավեն Կ. Պոլիսը, Ռուսաստանը չի կարող հույս դնել Անգլիայի շեղոթության վրա:

¹ Lord Kinross, The Ottoman Centuries. The Rise and Fall of the Turkish Empire, London, 1977, p. 519.

² R. W. Seton-Watson, Disraeli, Gladstone and the Eastern Question, London, 1935, p. 250.

³ Public Record Office (London), FO 608/77, p. 315.

Այս նշանակում էր, որ Անգլիան հրաժարվում էր ռուս-թուրքական պատերազմի սկսվելուց ընդամենը 24 օր առաջ լորդ Դերբիի և Պ. Շուվալովի կողմից ստորագրած «Լոնդոնյան արձանագրությունից», որով կողմերը «խորհուրդ էին տալիս» Թուրքիային որոշ զինուորական անել՝ Ռուսաստանին՝ ռուս-թուրքական հարաբերությունները մեղմելու համար։ Այդ հարաբերությունները սրվել էին Բալկանյան հարցի վերաբերյալ Կ. Պոլսում 1876 թ. մարտին տեղի ունեցած կոնֆերանսի ձախողման հետևանքով։

Հուլիսի 28-ին Անգլիայի կառավարությունը Հենրի Լեյարդին հանձնարարեց սուլթանին հայտնել, որ եթե Ռուսաստանը մպանա Կ. Պոլսին, իսկ սուլթանը դիմի Անգլիային, նա պատրաստ է իր նավատորմն ուղարկել Կ. Պոլսի։

Բիրքոնսֆիլդի կառավարությունը, պատրաստ չլինելով պատերազմի, այս անգամ ցուցադրաբար վճռական տրամադրվածություն էր դրսևորում, սպառնալով նույնիսկ զրավել Արևելյան Հայաստանը և Թիֆլիսը։ Երբ այս պլանների մասին տեղյակ է պահվում Լեյարդը, նա խորհուրդ է տալիս իր կառավարությանը, որ երբ անհրաժեշտություն ծագի Անգլիայի ռազմական նավատորմը Կ. Պոլսի ուղարկելու, այդ դեպքում հստակորեն պետք է ընդգծվի, որ անգլիական նավատորմը Կ. Պոլսի է գալիս Թուրքիայի շահերից ելնելով և նրա կառավարության համաձայնությամբ։ Լեյարդն այն կարծիքին էր, որ անհրաժեշտ էր դրանում նախ և առաջ համոզել սուլթանին։

Իսկ ձեռք առնելով կատարվելու առանց սուլթանի համաձայնության, ապա դա ոչ միայն Անգլիայի դեմ՝ որպես ագրեսորի կհաներ ամբողջ Եվրոպային, այլև Թուրքիային կմղեր համաձայնության Ռուսաստանի հետ, ինչը ձեռնտու չէր Անգլիային։

Ստեղծված պայմաններում բացառվում էր Թուրքիայի համաձայնությունը Ռուսաստանի հետ։ Այլ բան էր, որ Թուրքիան կարող էր օգտագործել այդ հաղթանակը Անգլիայից զինուորական ստանալու համար։ Սակայն սուլթանին այժմ անհանգստացնում էր Ռուսաստանի նկատմամբ անսքող համակրությունը դրսևորած արևմտահայությունը։ Այդ պատճառով էլ նա բացահայտ ահաբեկչության դիմեց։ Դա սթափեցրեց հայ գործիչներին, նույնիսկ պառլամենտի այն հայ երեսփոխաններին, որոնք դեռևս երեկ պառլամենտի ամբիոնից հավատարմության երգում էին տալիս սուլթանին։ Տեղի էր ունենում արևմտահայության ազգային գիտակցության համընդհանուր արթնացում։

Իր դիրքորոշումը փոխեց նաև Կ. Պոլսի հայոց պատրիարք Ներսես Վարժապետյանը։ Մինչ այդ նա, վախենալով հայ-թուրքական բաց առճակատից, շատ զգուշավոր քաղաքականություն էր վարում, որի հետևանքով հայերի անվստահությանն էր արժանացել, իսկ Աբդուլ Համիդից օսմանյան առաջին կարգի «Օսմանիե» շքանշան էր վաստակել։ Պատրիարքն հասկացել էր, որ օսմանյան տիրապետության տակ հայ ժողովուրդն այլևս փրկություն չունի։

Ներսես պատրիարքը շարունակում էր հույսեր փափայել, որ Եվրոպան կօգնի իր ժողովրդին թողնելու սուլթանի լուծը։ Այդ նկրտումներով նա դիմեց Լեյարդին, հայտարարելով, որ եթե եվրոպական տերությունները և հատկապես Անգլիան չմիջամտեն հայերի պահանջները քավարարելու գործին, ապա նրանք տրիպլիտ վիճակին դիմելու Ռուսաստանին։ Տեղյակ պահելով, որ բազմաթիվ հայ ընտանիքներ ցանկություն են հայտնել արտագաղթել Ռուսաստանի սահմանները, պատրիարքը դեսպանին խնդրում էր պաշտպանել հայերի խնդրանքը՝ ինքնավար պետություն ստեղծելու գործում։

⁴ R. S. Salahi, The Ottoman Armenians, London, 1987, p. 31.

⁵ Տե՛ս նույն տեղում, էջ 45—47, Լեռ, Հայոց հարցի վավերագրերը, Թիֆլիս, 1915, էջ 56—58; Esat Uras, The Armenians in History and the Armenian Question, London, 1988, p. 440—441.

Հենրի Լեյարդը, որը շատ կարճ ժամանակում շահել էր Արգոյի Համիդի վստահությունը, 1877 թ. դեկտեմբերի 4-ին Դերբեհին հղած դադարի գեկուցագրում (որը Լոնդոն էր հասել դեկտեմբերի 13-ին) կրկին նշում էր, որ եթե Ռուսաստանը ձեռք բերի Հայաստանը կամ նրա մի մասը, դա «վտանգ կսպառնա Արևելքում մեր շահերին և ազդեցությանը», որ անհրաժեշտ է առանց «շացնելու ադ վտանգի դեմն սունել» Հակառակ դեպքում, շարունակում է Լեյարդը, Ռուսաստանի կողմից Հայաստանի կամ նրա մի մասի անբախտ խիստ բացասական ազդեցություն կունենա Կենտրոնական Ասիայի մահմեդական բնակչության վրա, կնպաստի Ռուսաստանի հետագա հաղթանակներին՝ Պարսկաստանում և Փոքր Ասիայում, «կսպառնա Հնդկաստանի հետ Անգլիայի կոմունիկացիաներին և կվնասի բրիտանական առևտրին»⁶։

Անգլիային անհանգստացնում էր ոչ միայն Ռուսաստանի դիրքերի հնարավոր ուժեղացումը, այլև Ֆրանսիայի ոտքի կանգնելը, որը 1870 թ. Ֆրանս-պրուսական պատերազմում պարտություն կրելուց հետո ուշքի էր եկել և նպատակ չունեի իր դիրքերը զիջելու Անգլիային։

Մինչ անդիական դիվանագիտական խոհանոցներում աշխուժորեն քննարկվում էին Ռուսաստանի առաջխաղացմանը հակազդիչ դործողություններ ձեռնարկելու պլանները, ռուսական զորքերը գրավեցին Կարսը, Արդահանը, Բայազետը, Ելաշկերտը և այլ վայրեր։ Այդ վայրերի գրավումը, որտեղ կենտրոնացած էին թուրքական քանակի զլխավոր ուժերը, կանխորոշեց թուրքիայի պարտությունը։ Ռուսական զորքերի հաջողությունները մեծ մասամբ պայմանավորված էին նրանով, որ Արևմտյան Հայաստանի գրավված վայրերի հայ բնակչությունը, ինչպես նաև արևելահայությունը, մեծ օգնություն էին կազմակերպում ռուսական զորքերին, որոնց զորախմբերը Կովկասյան ճակատում ղեկավարում էին հայազգի գեներալներ Իվան (Հովհաննես) Լազարևը, Լորիս-Մելիքովը, Տեր-Ղուկասովը, Բ. Շելկովնիկովը։

Ռուսական զորքերին հայերն ամենուրեք դիմավորում էին մեծ խանդավառությամբ։ Առավել մեծ էր նրանց ոգևորությունը, երբ հայ գեներալներին էին դիմավորում։ Ժամանակակիցը նկարագրել է, օրինակ, թե ինչպես են հայերը դիմավորել Լազարևին Կաբինում։ Մտնելով քաղաք, Լազարևը «Հակառակ զինվորական սովորության, բարձրացնում էր յուր դրխարիքը և նույնչափ խոնարհությամբ ողջունելով՝ բարձրաձայն ասում էր. «Բարև ձեզ, հայեր»։ Ժողովուրդը նորից խոնարհեցնում էր դուխը «Կեցցես Լազարոֆ, կեցցես» աղաղակելով... «Կեցցես հայ ազգի քաջ զորապետ Լազարոֆ—մեր ազգի պարծանք...», իսկ հավաքված հայերի դեմքերին «սահում էին խոշոր-խոշոր կաթիլ արտասուքներ...»⁷։

Նույն ջերմությամբ են դիմավորել Լազարևին, երբ նա գրավել է Կարսը։ Որոշ ժամանակ անց նա Կովկասյան ռուսական բանակի առանձին գործող երկրորդ կորպուսի հրամանատարն էր։

Մինչ այդ, նշված կորպուսի հրամանատարն էր Լորիս-Մելիքովը, որի զլխավորությամբ ռուսական զորքերը գրավել էին Արդահանը։ Իսկ գեներալ-մայոր Ա. Տեր-Ղուկասովի զլխավորած Նրեանյան ջոկատը, հայ աշխարհադորայինների օգնությամբ, գրավել էր Բայազետը, Ղարաքիլիսան, Դիադինը, Այաշկերտը, Կաղզվանը և այլ վայրեր։ Նույնից հայ գեներալ Շելկովնիկովի զլխավորած զորամասերը գործում էին Բաթումի և Սուխումի ուղղությամբ։ Էդդրումը գրավելուց հետո Շելկովնիկովը նշանակվեց էրզրումի զինվորական նահանգապետ։

Ժամանակակիցները շատ բարձր են գնահատել հայ գեներալների ռազմական տաղանդն ու քաջությունը, նրանց մեծ ավանդը ռուս-թուրքական պատերազմում տարած հաղթանակում⁸։

⁶ British documents on Ottoman Armenians, vol. I (1856—1889), Ankara, 1982, p. 135—140.

⁷ Փոք, 1879, № 9, Տիֆլիս, էջ 201։

⁸ Братская помощь пострадавшим в Турции армянам, М., 1897, с. 445—490.

1877—78 թթ. ձմեռային կամպանիայի ժամանակ ռուսական զորքերը մտան Բուլղարիա, ապա գրավեցին Ադրիանուպոլիսը և ընդհուպ մոտեցան Կ. Պոլսին:

Արգել Համիդը գլուխը կորցրել էր:

Կ. Պոլսում Անգլիայի դեսպան Լեյարդը 1877 թ. դեկտեմբերի 13-ին Դերբիին հղած հաղորդագրությունում գրել է. «Այս առավոտ սուլթանը բացեց օսմանյան պառլամենտի երկրորդ նիստը... դահակալական ճառն ընթերցեց նորին մեծության քարտուղար Սեիդ փաշան... նորին մեծությունը հոգնած տեսք ունեն և ճնշված էր: Նա շատ հասարակ էր հագնված...»⁹:

Փետրվարի 8-ին, էրզրումի դրավումից հետո, Թուրքիայի լիազատար պարտությունը դարձավ անխուսափելի: Բոլորին թվում էր, որ հասել է մարդկությանը մեծ շարիքների պատճառած Օսմանյան կայսրության փլուզման երանելի ժամը: Արգել Համիդը պատրաստվում էր փախչել Անգլիա: Նրան փրկեց Դիդրանիին (Բիքոնսֆիլդը), որն սպառնաց ռուսական կառավարությանը, որ Կ. Պոլսի նույնիսկ ժամանակավոր գրավումը «մեծապես կվտանգի» անգլո-ռուսական հարաբերությունները¹⁰:

Ռուսական զորքերի մոտենալը Կ. Պոլսին, դրում է Թուրքագետ լորդ Կինրոսը, «մեծ տափնապ առաջացրեց քաղաքում և խոր մտահոգություն Լոնդոնում: Թուրքերը... դիմեցին տերություններին, խնդրելով նիշամտություն... Արգել Համիդը հեռագրեց անձամբ Վիկտորիա Թագուհուն, խնդրելով նրա միջնորդությունը ռուսական կայսեր առջև՝ հաշտության համար»¹¹:

Իր սպառնալիքներին առարկայական տեսք տալու միտումով, Անգլիայի կառավարությունը փետրվարի 12-ին ծովակալ Հորնբիին հրաման տվեց ռազմական նավատորմը շարժել դեպի Թուրքական ջրերը: Երեք օր անց, անգրիական ռազմական նավերը խարխախ գցեցին Խլխանաց կղզիների մոտ, Կ. Պոլսից նավարկության մեկ ժամվա հեռավորության վրա: Այդ նպատակի համար պատվամենտը 6 միլիոն ֆունտ ստեռլինգ էր հատկացրել¹²:

Ռուսական զորքերը չմտան Կ. Պոլսի: Թուրքիան զինադադար խնդրեց: Զինադադարի համաձայնագիրն ստորագրվեց 1878 թ. հունվարի 19/31-ին, Ագրիանուպոլսում: Բիքոնսֆիլդն այն գնահատեց որպես «կատակերգություն», քանի որ ռուսական զորքերը շարունակում էին գրավել նոր տարածքներ¹³: Վաշտության բանակցություններն ավարտվեցին 1878 թ. փետրվարի 19 (մարտի 3)-ին, Կ. Պոլսի մատուցյանում գտնվող Սան-Ստեֆանոյում, որն ընդամենը 9 օր առաջ էին գրավել ռուսները:

Ռուսական կայսրը բանակցությունները վարելու պատիվը տվեց Թուրքիայում Ռուսաստանի նախկին դեսպան, աչքի ընկած դիվանագետ Ն. Իդնատևին, որը ժամանակին կարողացել էր շահել հայերի համակրանքը:

Եվրոպական տերությունները (հատկապես Անգլիան) խուճապի. իսկ Թուրքական կառավարությունը սարսափի մեջ էին: Սան-Ստեֆանոյում բանակցությունները սկսվելուց մեկ օր առաջ Թուրքական պատվիրակները հանդիպում ունեցան ռուսական Բալկանյան բանակի գլխավոր հրամանատար, մեծ իշխան Նիկոլայ Նիկոլաևիչի հետ: Նրանք խնդրելով պնդում էին, որ պետքի բանակցությունների ընթացքում չքննարկվեր Հայկական հարցը: Մեծ իշխանը պատասխանել է, որ «կայսրից հատուկ հրահանգ է ստացվել», և ինքը ոչինչ անել չի կարող¹⁴:

Ստորագրվեց նախնական հաշտության պայմանագիր, որի 16-րդ հոդվածով Բարձր Դուռը պարտավորվում էր «անհապաղ կենսագործել հայա-

⁹ British documents..., vol. I, p. 147.

¹⁰ R. S. Salahi, նշվ. աշխ., էջ 31.

¹¹ Lord Kinross, նշվ. աշխ., էջ 522, 523.

¹² Esat Uras, նշվ. աշխ., էջ 457.

¹³ Lord Kinross, նշվ. աշխ., էջ 523.

¹⁴ British documents..., vol. I, p. XV.

բնակ մարզերի (Վանի, Բիթլիսի, Էրզրումի, Սեբաստիայի, Խարբերդի և Դիարբեքի—Գ. Գ.) տեղական կարիքներից հարուցվող բարելավումներ և բարենորոգումներ և զերծ պահել հայերի անվտանգությունը քրդերից և շերքեզներից»¹⁵։

Բարենորոգումները պետք է իրագործվեին նախքան «Ռուսական զորքերի դուրսբերումը նրանց կողմից գրավված Հայաստանի» տարածքներից։ Այս նշանակում էր, որ Ռուսաստանը իր հովանավորության տակ էր վերցնում Արևմտյան Հայաստանը։ Դա ավելին էր, քան ապրիլյան գոտի ձեռք բերելը, բայց չէր նշանակում, թե Արևմտյան Հայաստանին ինքնավարություն էր տրվում։

Սան-Ստեֆանոյի պայմանագիրն ստորագրելու նախօրյակին Հայոց ազգային ժողովի կողմից լիազորված պատվիրակությունը, որն այնտեղ էր գտնվում սուլթանի գիտությունից, հանդիպում ունեցավ Իզնաուկի հետ։ Զրույցի ժամանակ Իզնաուկը նրանց հայտնեց, որ Հայաստանի վերաբերյալ նախատեսվող հողավածում տեղ էր գտնելու հետևյալ ձևակերպումը. «...Օսմանյան սուլթանը և Ռուսաստանի կայսրը որոշելու են երաշխավորել հայերով բնակեցված մարզերի լրիվ անկախությունը...» և ներկայացնելու են նրանց վարչական կառավարման օրենքի անհրաժեշտ փոփոխությունները¹⁶։

Սակայն այս առաջարկը, որի իրագործումը կլանի որոշեր Արևմտյան Հայաստանի ճակատագիրը, խիստ դիմադրությամբ էր հանդիպել թուրքական պատվիրակության կողմից։ Վերջինս հայտարարել էր, որ սուլթանը անհաղորդ է նման հարցադրմանը, և պատվիրակությունը լիազորություններ չունի այն քննարկելու։

Էսաթ Ուրասը գրում է, թե թուրքական պատվիրակներն այդ կապակցությամբ դիմել են Մարաշից թուրքական պառլամենտի երեսփոխան Գևորգ վարդապետին, խնդրելով պարզաբանելու հայերի դիրքորոշումը։ Նա, իբր, պատասխանել է, թե «Հայերը ռուսների ձեռքին խաղալիք չեն։ Ռուսաստանը նույն բանը նախկինում ևս փորձել է, բայց հայերը գոհ են այն կառավարությունից, որի իշխանությունն տակ նրանք ապրել են հինգ հարյուր տարուց ի վեր»¹⁷։

Դժվար է հավատալ թուրք պատմաբանի այս պնդմանը, քանի որ Սան-Ստեֆանոյի պայմանագրի ստորագրումից հետո նույնիսկ Կ. Պոլսում հրատարակվող հայկական թերթերը համարձակորեն գրում էին Արևմտյան Հայաստանի մոտավոր ազատագրման մասին։

Սան-Ստեֆանոյի բանակցությունների ժամանակ սուլթանի գիտությամբ այնտեղ մեկնած պատրիարք Ներսեսը հանդիպում է ունեցել մեծ իշխան Նիկոլայ Նիկոլաևիչի հետ։ Վերջինիս հետ տեսակցություն է ունեցել նաև Վանի հոգևոր առաջնորդ Մկրտիչ Խրիմյանի գլխավորած պատվիրակությունը։ Նրանք խնդրել են մեծ իշխանին՝ Բեդլինի վեհաժողովում հարց բարձրացնելու Անատոլիայի արևելյան մարզերում աշակերտական անկախ պետություն» ստեղծելու մասին։ Սալահին նշում է, որ մեծ իշխանը չի խոստացել այդպիսին աջակցություն, որ գաղափարը¹⁸։ Այս տեղեկությունը հավաստի է։ Անգլիան իր ռբրը խաղացել էր։ Ռուսաստանը նահանջեց հայերին տված իր խոստումից։

Սակայն անբացատրելի է մնում, թե սուլթանն ինչ նպատակով էր թույլ տվել պատրիարք Ներսեսին և Խրիմյանին՝ մեկնելու Սան-Ստեֆանո։ Կարելի է թերևս ենթադրել, որ սուլթանն այդ քայլով նպատակ է ունեցել իր համար պարզելու, թե հայերը վերջապես ինչի են ձգտում, քանի որ պատրիարք-

¹⁵ ՕՀայաստանը միջազգային դիվանագիտության և սովետական պրտարիչ. քաղաքականության փաստաթղթերում, Երևան, 1972, էջ 92։

¹⁶ Esat Uras, աշխ., էջ 456; Christopher J. Walker, Armenia. The survival of a Nation, London, 1980, p. 111.

¹⁷ Esat Uras, աշխ., էջ 456.

¹⁸ R. S. Salahi, աշխ., էջ 47.

քը մշտապես հավաստիացնում էր նրան, որ հայերը անջատողական ձգտումներ չունեն:

Շուտով սուլթանը համոզվեց, որ պատրիարքը կամ դիվանագիտության էր խաղողմ, կամ իրոք, չգիտեր, թե ինչի են ձգտում արևմտահայերը:

Անդրադառնալով Սան-Ստեֆանոյի պայմանագրի 16-րդ հոդվածին՝ էսաթ Ուրասը նշում է, որ հայերը վաղուց ի վեր մեծ սպասելիքներ ունեին, որ Ռուսաստանի օգնությամբ կհասնեն իրենց ինքնավարությանը: Կովկասյան հայերի կողմից ուսական բանակներին ցույց տված օգնությունը մեծացնում էր այդ հույսը: Հայերի հիշողության մեջ հատկապես թարմ էին մնացել ներսես Աշտարակեցու ժամանակները, երբ 1826—1828 թթ. հայերը ծառայում էին ուսական բանակում: Բայց չլրիվ անկախության փոխարեն նրանք ստացան միայն այս հոդվածը¹⁹:

Լայն առումով հայապատ էր նաև այդ պայմանագրի 17-րդ հոդվածը, որով Բ. Դուռը պարտավորվել էր չիականար և անվերապահ ներում շնորհել ապստամբական շարժումներին մասնակցած բոլոր թուրքահայատակներին ու տարագիրներին և անհապաղ ազատ արձակել բանտարկվածներին: Իսկ 27-րդ հոդվածով թուրքական կառավարությունը պարտավորվում էր չհալածել և թուլյլ չտալ հալածելու այն թուրքահայատակներին, որոնք պատերազմի ժամանակ կապեր էին ունեցել ուսական բանակի հետ, ինչպես նաև նրանց, ովքեր կցանկանային իրենց ընտանիքներով հեռանալ ուսական զորքերի հետ, որոնք Ասիական թուրքիայից դուրս պետք է բերվեին վերջնական հաշտությունը կնքելուց հետո վեց ամսվա ընթացքում (հոդված 25):

Սան-Ստեֆանոյի պայմանագիրը միջազգային առաջին պայմանագիրն էր, որտեղ Արևմտյան Հայաստանը դիտվում էր որպես միջազգային դիվանագիտության օբյեկտ և թուրքիան ճանաչում էր այդ փաստը: Ինքնին դա մեծ նշանակություն ունեցող երևույթ էր և ողբերկուն էր առաջ բերել հայերի մեջ, չնայած նրանց հոգիներում թախիծ կար, որ իրենց երկիրը ևս չարժանացավ Բուլղարիայի բախտին, որին անկախություն էր շնորհվել՝ քրիստոնեական կառավարությամբ և զեմստվոյական զորքով: Բայց փաստը մնում էր փաստ, որ Հայաստանը ճանաչվում էր որպես ինքնուրույն միավոր, որտեղ նախատեսվում էր անցկացնել բարենորոգումներ և ապահովել հայերի անվտանգությունը:

Հայոց պատրիարքը խնդրել էր ուսական կառավարությանը՝ զորքերը դուրս չբերել զրավված տարածքներից մինչև այնտեղ բարենորոգումներ անցկացնելը:

Սան-Ստեֆանոյի պայմանագրի 19-րդ հոդվածով թուրքիան Ռուսաստանին էր փոխում Կարսը, Սարիղամիշը, Արդահանը, Բաթումը, Բայազետը, Ալաշկերտի հովիտը և հարակից տարածքները, մինչև Սողանյու:

Ռուսաստանի համար առաջնակարգ նշանակություն ունեին 24-րդ հոդվածը, որով թուրքիան հանձն էր առնում ինչպես պատերազմի, նույնպես և խաղաղ ժամանակ Բոսֆորը և Դարդանեյլը բաց սլահել ուսական նավահանգիստներից եկող և դեպի դրանք ուղղվող շեղոք երկրների առևտրական նավերի համար: Բ. Դուռը պարտավորվում էր նաև այլևս չշրջափակել Սև և Ազովի ծովերի նավահանգիստները: Այս հոդվածը հատկապես ուժեղ գրգռ էր առաջացրել Անգլիայում, որը վախ էր զգում, թե Սև ծովը կվերածվեր ուսական լճի՝ դրանից բխող բոլոր հետևանքներով:

Մարտի 6-ին Ավստրո-Հունգարիան՝ և ապա Անգլիան, նախօրոք շոշափելով եվրոպական մյուս տերությունների տրամագրությունները և ստանալով նրանց համաձայնությունը, պահանջեցին ուս-թուրքական հաշտության նախնական պայմանագիրը քննարկել միջազգային վեհաժողովում, պատճառաբանելով, որ այն շոշափում էր հսկանվորական շահերը և հակասում մինչև այդ ստորագրված միջազգային պայմանագրերին: Ռուսաս-

¹⁹ Esat Uras, նշվ. աշխ., էջ 448:

տանը չէր կարող դիմագրել: Նրան թույլ չտրվեց գրել «ազատ շարադրութիւն»: Նրան պարտադրվեց «Թեւազրութիւն»:

Ջնայած դրան, Ալեքսանդր II-ը դեռևս հույս ուներ, որ ռուսական ղորքերի կողմից գրավված տարածքներն ամբողջութեամբ կմնային Ռուսաստանին: Իսկ արևմտահայերի ոգևորութիւնը շատ մեծ էր և սպասելիքներն այնքան իրական էին թվում, որ պատերազմը ներսնսի գլխավորութեամբ ստեղծվեց մի հանձնախումբ, որը շուտով հրապարակ հանեց «Օսմանյան Հայաստանի կազմակերպական կանոնագրի ծրագիր»²⁰:

1878 թ. մարտի կեսերին այդ ծրագիրը և ներսնս վարժապետյանի ու ինը եպիսկոպոսների ստորագրութեամբ կազմած աղերսագիրը, որով ռուսական կայսեր «զորավոր պաշտպանութիւնն» էր հայցվում, արքեպիսկոպոս Խորեն Նար-Պեյի գլխավորած պատվիրակութիւնը տարավ Պետերբուրգ Ալեքսանդր II-ին հանձնելու համար: Այդ առաքելութիւնն հանձնարարվեց Խորեն Նար-Պեյին: Արևմտահայ քաղաքական շրջաններում նա մեծ հեղինակութիւն չուներ, բայց վայելում էր պատրիարքի վստահութիւնը, տիրապետում էր մի քանի լեզուների, այդ թվում ռուսերենին և դիվանագետի ձիրք ուներ:

Հայտնի չէ, պատրիարքի հանձնարարութեամբ, թե իր նախաձեռնութեամբ, Նար-Պեյը խնդրել էր Արևմտյան Հայաստանի նահանգապետ նշանակել, Լորիս-Մելիքովին²¹:

Ռուսական արքունիքին ներկայացրած ծրագրում ասվում էր. «Ա. Հայաստանը պիտի ունենա ընդհանուր կառավարիչ, անպատճառ հայ-լուսավորչապէս, որին պիտի ընտրեն սուլթանը՝ ռուսական ցարի հաճութեամբ: Կառավարիչը պիտի կոչվի մարզպան և վալի, պիտի ունենա «մյուշիքի» աստիճան»:

Բ. Հայաստանի նահանգապետներն և գավառապետները նույնպես լուսավորչական պիտի լինեն, բայց սրանք պիտի ընտրվեն Հայաստանի երեսպախանական ժողովից և վավերացվեն Բ. Դռնից:

Գ. Երկրի կարգապահութիւնը հայոց ձեռք պիտի լինի. ոստիկանութիւնը հայերից պիտի կազմվի:

Դ. Դատարանները շերիաթից ազատ պիտի լինեն և պիտի ղտնվեն հայ դատավորների նախագահութեան տակ:

Ե. Քուրդ արտոնյալների (չորրաջը, դերբեբի) արտոնութիւնների ջրնջումը:

Զ. Տուրքերի նոր և արդար բաշխում:

Է. Վաքիֆի (մահմեդական հոգևորական կալվածք) բարեկարգութիւն. առհասարակ կալվածական օրենքի վերաբնութիւն:

Ը. Թրքերի զինաթափումը Հայաստանում:

Թ. Հայաստանի համար վարչական նոր կանոնադրութիւն, որը պիտի վավերացնեն սուլթանը՝ Ռուսաստանի հավանութեամբ:

Եվ վերջապես,

Ճ. Զեյթունի հնդադարյան ինքնավարութեան երաշխավորումը²²:

Արդուլ Համիդի կողմից հավանութեան արժանացած, իսկ Գրիգոր Արծրունու կողմից «մեռելածին» անվանված այս ծրագրում²³, հայերը չէին համարձակվում ուղղակի դնելու Արևմտյան Հայաստանի ինքնավարութեան հարցը: Այն հանգեցվում էր Արևմտյան Հայաստանի համար ռուսական կայսեր հաճութեամբ սուլթանի կողմից նշանակված արևդհանուր հայ-լուսավոր-

²⁰ Տե՛ս Լևոն, նշվ. աշխ., էջ 82—83:

²¹ Esat Uras, նշվ. աշխ., էջ 449:

²² Սարգիսյան, Հայկական խնդիրն և Ազդարին սահմանադրութիւնը Թուրքիայում (1860—1910), հ. Ա, Թիֆլիս, 1912, էջ 328—329:

²³ Մշակ, 1879, № 75 (Թուրքաց ալիերի տնտեսական դրութիւնը):

չական կառավարիչ» ունենալուն: Մնացած բաղադրյալները պայմանավորված էին այս պահանջով:

Այդ ծրագրի խնդրությունը բացատրվում էր արևմտահայերի հոգեբանական գործունեով: Դարեր շարունակ ապրելով Օսմանյան կայսրությունում՝ նրանց համար դեռևս դժվարամարս էր Արևմտյան Հայաստանի ինքնավարության գաղափարը: XIX դ. երկրորդ կեսին, երբ առաջին անգամ էր բարձրացվում այդ հարցը, ընդգծվում էր Թուրքիայի գեղի խանութների տակ ինքնավարություն ստանալու պահանջը: Սա սուլթանի պալատի փշրանքներից սնվողների մտայնությունն էր: Նրանց թիվը քիչ քիչ արևմտահայ մտավորականության մեջ, որոնք կարծում էին, թե առանց ապստամբության, սուլթանի ողորմածությամբ հայերը կարող են ձեռք բերել քաղաքական և քաղաքացիական ազատություններ: Նրանք իրենց հույսը կապում էին Միհմաթի սահմանադրության հետ, որը «հավասարություն» էր խոստանում կայսրության բոլոր ազգերի համար:

Նույն խնդրությամբ էր տառապում նաև չգիտես ում կողմից յիշգրտված, Նաբար փաշայի մշակած ծրագիրը, որտեղ ընդհանրապես ակնարկ չկար Արևմտյան Հայաստանի ինքնավարության մասին: Այդ ծրագրի գլխավոր պահանջը հանդում էր Արևմտյան Հայաստանում եվրոպական տերությունների կողմից հովանավորվող հայ նահանգապետի նշանակմանը: Նուբար փաշան ակնկալում էր, որ հենց ինքը պետք է լիներ այդ նահանգապետը: Մինչդեռ պատրիարք Ներսեսը նույնիսկ լսել չէր ուզում Նուբար փաշայի և նրա ծրագրի մասին:

Եթե նույնիսկ ընդունվեր և կիրառվեր այս ծրագրերից որևէ մեկը, Արևմտյան Հայաստանը դարձյալ մնալու էր Թուրքիայի տիրապետության տակ, այսինքն, Հայկական հարցը արմատապես չէր լուծվելու:

Այս երկու իրար հետ չհամաձայնեցրած ծրագրերը տառապում էին անհետևողականությամբ և ընդունակ չէին վճռական պայքարի մղելու ազատատենչ ժողովրդին: «Տնավարի» կազմված այդ ծրագրերը, հենց դրանց երկուսը լինելու փաստը, չորս տարածայնություններ հարուցեցին հայ հասարակության մեջ, պառակտելով ու ջլատելով նրանց ուժերը: Ե՛վ արևմտահայերի, և՛ արևելահայերի սպասումներն այնքան մեծ էին, որ նրանց չէին բավարարում առաջադրված ծրագրերի «համեստությունը» և դրանց իրականացման երեքուն մեխանիզմները:

Այդ ծրագրերը լրջությամբ ընդունեց հասցեատերերից և ոչ մեկը, չնայած նրանք արտաքուստ «բարյացակամությամբ» ծանոթացան դրանց հետ: Պատրիարք Ներսեսի կազմած ծրագրերը Նար-Պեյը հանձնեց Ռուսաստանի վարչապետ և արտգործնախարար Ա. Գորչակովին: Թրծված չիվանագետը լրջություն չտեսավ նրանում, սակայն համոզեց Ալեքսանդր II-ին տեսակցություն ունենալ Նար-Պեյի հետ:

Կայսրը, իր բարեկամությունները հաղորդելով հայ ազգին, խոստում չտվեց այդ ծրագրերը ներկայացնել Բեռլինի վեհաժողովի քննարկմանը: Նար-Պեյը չկարողացավ համոզել ռուսական կայսրին պաշտպանելու ներկայացված ծրագրերը: Ռուսական արքունիքի սահմաններում բացատրվում էր ոչ թե Նար-Պեյի անկարողությամբ, այլ նրանով, թե ինչ հետևանքներ կունենար այդ ծրագիրը արևելահայերի համար: Բացի այդ, էջմիածնի կաթողիկոս Գևորգ 4-րդը, որին գրավոր դիմել էր Ներսես պատրիարքը և խնդրել, որ պետքի նա ևս միջնորդեր Ալեքսանդր II-ի առջև՝ ընդառաջ գնալու արևմտահայերի պահանջներին, մերժեց պատրիարքի խնդրանքը: Գիտենալով ռուսական արքունիքի տրամադրվածությունը Հայկական հարցում՝ նա դրսևորեց իր բացասական վերաբերմունքը Նար-Պեյի առաքելության նկատմամբ: Կաթողիկոսը նաև վիրավորված էր զգում, որ ինքը՝ Կ. Պոլսի նախկին պատրիարքը (1858—1860), չէր ներգրավվել ծրագրի կազմմանը և նախապես տեղյակ չէր Նար-Պեյի առաքելությանը: Հայ գործիչներից շատերի մեջ միշտ էլ սեփական պատվախնդրությունը բարձր է դասվել ազգի շահերից: Քիչ դեր չխաղաց նաև այն փաստը, որ Նար-Պեյի Հայրիկի գլխավորած պատվի-

րակությունը նույն առաքելությամբ մեկնել էր Եվրոպա և նրանից էր հայացում օգնություն, մի բան, որը չէր կարող չզրդոթել ռուսական արքունիքին։ Ռուսական մամուլում հայտնվեցին հոգեվածներ, որոնցում դատապարտվում էր խորհրդան Հայրիկի առաքելությունը Եվրոպա։

Անհնար է պատկերացնել, որ Աբդուլ Համիդը տեղյակ չէր Նար-Պեյի և խորհրդան Հայրիկի բանադնացություններին։ Առավել անհիմն կլինի ենթադրել, թե նա չէր կարող արգելել մեկի մեկնումը Ռուսաստան, մյուսինը՝ Եվրոպա։ Աբդուլ Համիդը հսկանում էր, որ երկու լարերի վրա հայ գործիչները խաղը ոչ միայն գրգռելու էր եվրոպական տերություններին և Ռուսաստանին միմյանց դեմ, այլև բոլորի անվստահությունն էր առաջացնելու հայերի և անկեղծության նկատմամբ։ Բացի այդ, խառնելով քառտերը, Աբդուլ Համիդը ձգտում էր ստեղծել տպավորություն, որ հայերը, դիմելով եվրոպական տերություններին, դրանով իսկ ձգտում էին հասնել Սան-Ստեֆանոյի պայմանագրի փոփոխմանը, որպեսզի իրենց բախտի տնօրինությունը չտրվեր միայն Ռուսաստանին։

Աբդուլ Համիդի հաշվարկները սխալ դուրս չեկան։ Հետեանք եղավ այն, որ ոչ Ռուսաստանը և ոչ էլ եվրոպական՝ որևէ տերություն չխոստացան պաշտպանել Հայ դատը Բեռլինի վեհաժողովում։ Դա Աբդուլ Համիդի խոշոր հաղթանակն էր։ Նա ճարտկորեն կարողացավ ոչ միայն օգտագործել եվրոպական տերությունների հակասությունները Հայկական հարցում, այլև անհնար դարձնել այդ հակասությունների լուծումը։

Աբդուլ Համիդը դիվանագիտական խորամանկ քայլերով աշխատում էր հատկապես խորացնել եվրոպական տերությունների և Ռուսաստանի հակասությունները Հայկական հարցում։ Լեյարդի հետ ունեցած բազմաթիվ հանդիպումների ժամանակ առկայությունը նրա ուղադրությունն էր հրավիրում հայերի ակտիվության վրա և զգուշացնում, որ եթե Անգլիան հակազդի քայլերի չդիմի, Ռուսաստանը կարող է հասնել իր նպատակներին։ Իսկ ռուս-թուրքական պատերազմից առաջ Ռուսական դեսպանի հետ ունեցած հանդիպումների ժամանակ առկայությունը նրան կարողացավ էր ներշնչել, որ հայերն իրենց հույսերը կապել են Անգլիայի հետ, և եթե նրանց հաջողվի ձեռք բերել ինքնավարություն, դա կարող է ծառայել Անգլիայի շահերին, ոտքի հանել արևելահայերին և մեծ վնաս պատճառել Ռուսաստանին։ Փաստերն առատ էին ապացուցելու համար և՛ մեկը, և՛ մյուսը։

1878 թ. մարտի 18-ին Լեյարդը հանդիպում ունեցավ Ներսես պատրիարքի հետ։ Նա անհանգստացած էր, որ հայերը ռուսների դրդմամբ ձեռնարկում էին ինքնավարության։ Պատրիարքը, մկրտված չլինելով դիվանագիտական խաղերում, չկարողացավ նրան համոզել, որ հայերի ինքնավարության պահանջը չէր հակասում Անգլիայի շահերին։ Նույն օրը Լեյարդը տագնապալից հեռագիր ուղարկեց արտգործնախարար է. Դեբերին՝ պատրիարքի հետ ունեցած իր զրույցի և նրա կողմից Ռուսաստան ուղարկած ծրագրի մասին։

Չնայած այդ ծրագրում Արևմտյան Հայաստանի ինքնավարության հարցը ուղղակի չէր դրվում, բայց Լեյարդի հետ ունեցած հանդիպումների ժամանակ պատրիարք Ներսեսը մշտապես ընդգծում էր այդ գաղափարը, այդ պատճառով էլ Լեյարդը մտավախություն էր արտահայտում, որ այդ ծրագրի ընդունումը կարող էր հանգեցնել Հայաստանի ինքնավարությանը, որը կավարտվի նրանով, որ Ռուսաստանը անբասիայի կենթարկի Հայաստանը։

Մեկնաբանելով Դեբերին ուղարկած Լեյարդի այս հաղորդագրությունը՝ թուրք պատմաբանը գրում է, թե հայերը փորձում էին մխրձվել Օսմանյան կայսրության սրտի և թոքերի միջև, և հուսով էին, որ դրանում իրենց կօգնի Անգլիան²⁴։ Եվ եթե Անգլիան չօգնեց հայերին, դա բացատրվում է ոչ թե նրանով, որ անգլիացիները կցանկանային տեսնել ոչ թե հայկական պետու-

²⁴ R. S. Salahi, նշվ. աշխ., էջ 48—50։

թյունը վերականգնված, այլ այն հանգամանքով, որ ինքնավար Հայաստանը ձեռնտու լինելու իրենց շահերին: Այդ պատճառով էլ հայերի և անգլիացիների հարցադրումները խնդրո առարկայի նկատմամբ երբեք չեն համընկել:

Անգլիայի համար այս շրջանում շահավետ էր պաշտպանել ոչ թե հայերին, այլ գաշնակցել Թուրքիայի հետ: Լեյարդը մարտի 16-ին Լոնդոն ուղարկած ծածկագրում հաղորդում էր, որ ինքը զրույց է ունեցել Աբդուլ Համիդի հետ և նրան ներշնչել է, որ Թուրքիայի փրկության միակ միջոցը Անգլիայի հետ դաշնակցելն է²⁵:

Մի քանի օր անց, 1878 թ. մարտի 20-ին Լեյարդը հաղորդել է Դերբիին, որ իր հետ հանդիպում է ունեցել Թուրքիայում բարձր պաշտոն վարող մի հայ և հայտնել է, որ հայերը տրամադրված են խիստ վճռական, և եթե վեհաժողովը չբավարարի իրենց պահանջները, իրենք ամբողջապես կհանձնվեն Ռուսաստանին և նույնիսկ կգերադասեն, որ Ռուսաստանը անբասիայի ենթարկի Արևմտյան Հայաստանը: Լեյարդը գրում է, թե ինքը չի խրախուսել իր զրուցակցի ձգտումը՝ «Տիզրանի հնազույն թագավորությունը՝ վերականգնելու» խնդրում²⁶:

Լեյարդը Դերբիին հիշեցնում էր, որ դեռևս մեկ տարի առաջ պատրիարք Ներսեսը իր հետ ունեցած հանդիպման ժամանակ նշել էր, որ թեև հայերը և թուրքերը միմյանց հետ զոյակցել չեն կարող, բայց նրանք կգերադասեն մնալ թուրքերի տիրապետության տակ, քան թե տրվեն Ռուսաստանին, որ հայերը պատրաստ էին նույնիսկ գինված ուժով պաշտպանել Թուրքիայի տարածքները: Բայց 1878 թ. մարտի 17-ին Լեյարդի հետ ունեցած հանդիպման ժամանակ պատրիարքը հայտարարել է, որ Սան-Ստեֆանոյի պայմանագրից հետո իրադրությունն ամբողջապես փոխվել է, որ այժմ հայերը մեծապես հալածված են իր դեմ՝ թուրքական կառավարությանը պաշտպանելու համար և «սպառնում են իրեն թարկածել» և մեծ խնդիր պատրաստվում են արտագաղթել Ռուսաստանի տարածքները: Այդ պատճառով պատրիարքը հույս է հայտնել, որ նախատեսվող վեհաժողովում եվրոպական տերութիւնները կպնդեն, որպեսզի հայկական հանգանակներին վարչական ինքնակառավարման իրավունք տրվի:

Պատրիարք Ներսեսը Լեյարդին է հանձնել հայերի անունից Բյուսմարկին ուղարկած դիմումի պատճենը, որով նրանք Գերմանիայի պաշտպանությունն էին հայցում: «Ես հարցրեցի պատրիարքին, — գրում է Լեյարդը, — թե ի՞նչ է հասկանում նա «Հայաստան» ասելով և Ասիայում Թուրքիայի ո՞ր մասն է ի նկատի առնում, որ պետք է ներառվի իր ակնկալած ինքնավար մարզում»: Ներսես պատրիարքը պատասխանել է, որ հայերը ի նկատի ունեն վանի և Սվաղի վիլայեթները, Դիարբեքի մեծ մասը և Կիլիկիայի հայկական հին թագավորությունը: Լեյարդն առարկել է, թե դա շատ մեծ տարածք է, որտեղ գերակշռում է մահմեդական բնակչությունը: Պատրիարքը, չառարկելով դրան, նշել է, որ թուրքերն փրենք մեծապես դժգոհ են Բ. Դոան քաղաքականությունից, որ նրանք հոժարակամ կցանկանան ունենալ քրիստոնեական կառավարություն, որը կպաշտպանի նրանց կյանքն ու ունեցվածքը: Լեյարդը կարծիք է հայտնել, որ վեհաժողովը չի պաշտպանի նման նախագիծը, մանավանդ, որ այդ Հայաստանը կարող է անբասիայի ենթարկվել Ռուսաստանի կողմից: Պատրիարքը պնդել է, որ հայերը այլևս չեն կարող մնալ թուրքերի փշխանության տակ և ավելացրել է, որ ինքը չի կարող դիմագրել նրանց ցանկությունը:

Լեյարդը, այդ մասին հաղորդելով Լոնդոն, կրկին հիշեցնում է Դերբիին, որ ինքնավար Հայաստանը կարող է նվաճվել Ռուսաստանի կողմից և որ այդ պատճառով Անգլիան այդ նախագիծը չպիտի պաշտպանի: Նա նշել է

²⁵ Նույն տեղում, էջ 34:

²⁶ British documents..., vol. I, p. 161—162.

նաև, որ պատրիարքը խնդրել է խիստ դաղտնի պահել զրույցի բովանդակությունը²⁷։

Սուլթանի կողմից կաշառված Լեյարդի հակահայկական տրամադրվածությունը երկրորդական դեր չխաղաց Անգլիայի կառավարության մարտի վերջերին, անդի ունեցած նիստում, որտեղ որոշվեց Անգլիայի դիրքորոշումը Սան-Ստեֆանոյի պայմանագրի նկատմամբ։

Արժեք նշել նաև մի հետաքրքիր փաստի մասին, եթե այն իրոք կարելի է փաստ համարել։ Թուրք պատմաբանները, և առաջին հերթին մեղ հայտնի Սալահին, պնդում են, որ իբր 1878 թ. ապրիլին մի խումբ հայեր ու վրացիներ, համագործակցված, դիմել էին Փոթիում անգլիական փոխհյուպատոս Թոմաս Հարդենին՝ սենսացիոն մի առաջարկով, որ իրենք նպատակ ունեն ատեղծել հայ-վրացական միասնական թաղավորություն և խնդրում են դիմել դեսպան Հ. Լեյարդին՝ Անգլիայի օգնությունն ստանալու համար։ Այդ «փաստը» շրջանառության մեջ դրած աղբյուրները միաժամանակ նշում են, որ այդ «բանակցությունները» ոչ մի արդյունք չեն տվել²⁸։ Պետք է ենթադրել, որ այդ վարկածը ևս անդրիական գործակալների հերթական ճարպիկ խաղն էր՝ ուղղված դարձյալ Ռուսաստանի դեմ, քանի որ նկատի էր առնվում Արևելյան Հայաստանը և Վրաստանը դուրս բերել ռուսական տիրապետության տակից և ատեղծել մի միասնական պետություն։ Սա փորձ էր նաև լեհական բնույթի հաղորդելու Արևմտյան Հայաստանին ուղղակի ինքնավարություն տալու գաղափարին։

Սան-Ստեֆանոյի պայմանագրի տեքստին ծանոթանալուց հետո Բիքոնսֆիլդն հայտարարեց, որ այն Թուրքիան վերածում է ամբողջապես Ռուսաստանից կախված երկրի²⁹։ Իսկ Անգլիայի արտաքին գործերի նոր նախարար Ռոբերտ Սոլսբերին կտրուկ բողոք հայտնեց այդ պայմանագրի դեմ և, Ռուսաստանին սպառնալով պատերազմով, պահանջեց վերանայել այդ պայմանագիրը։ Եվ քանի որ դեռևս որոշված չէր միջազգային վեհաժողով հրավիրելու հարցը, 1878 թ. մարտի 21-ին նա խորհուրդ տվեց պրեմիեր-մինիստր Բիքոնսֆիլդին (Դիդրանելին) պահանջել Թուրքիայից Անգլիային տալ Լեմնոսը և Կիպրոսը՝ որպես Փոքր Ասիայում Ռուսաստանի դիրքերի ուժեղացման ռաբրոյակն փոխհատուցում։ Սոլսբերին հենվում էր Լեյարդի այն հավաստիացումների վրա, որ մարտի 6-ին սուլթանի հետ ունեցած զրույցի ժամանակ նա կարողացել էր ներշնչել սուլթանին, որ Թուրքիայի միակ փրկությունը դաշինքն է Անգլիայի հետ³⁰, և որ այդ դաշինքի գինը պետք է լինեի Լեմնոսը և Կիպրոսը Անգլիային տալը։ Իսկ Բիքոնսֆիլդն առաջարկում էր օկուպացնել ոչ միայն Կիպրոսը, այլև Ալեքսանդրիան³¹։

Սոլսբերին այն կարծիքին էր, որ սուլթանը Ռուսաստանի դեմ Անգլիայի պաշտպանությունն ստանալու համար ստիպված կլինեի համաձայնել այդ առաջարկին։ Լեմնոսի հարցը դեռևս մնում էր անկախ։

Սան-Ստեֆանոյի պայմանագիրը Անգլիան դիտում էր որպես իր պարտություն։ Դիվանագիտական շրջաններում դրա մեղքը բարդվեց է. Դերբիի վրա։ Դա երկրորդական դեր չխաղաց, որպեսզի Դերբին հրաժարական տար և արտաքին գործերի նախարարի պաշտոնը հանձնվեր Սոլսբերին։

Ռուս պատմաբանները Դերբիի հրաժարականը համարում են մեծ կորուստ Ռուսաստանի շահերի տեսակետից³²։ Ճիշտ է, Դերբին չէր կիսում Բիքոնսֆիլդի բացահայտ լծնամական քաղաքականությունը Ռուսաստանի նկատմամբ, բայց Հայկական հարցում Դերբին միշտ ղեկավարվել է Անգ-

27 Նույն տեղում, էջ 159—161, 733—735։

28 R. S. Salahi, նշվ. աշխ., էջ 51։

29 Lord Kinross, նշվ. աշխ., էջ 525։

30 R. S. Salahi, նշվ. աշխ. էջ 33—34։

31 Christopher Walker, նշվ. աշխ., էջ 111։

32 С. А. История дипломатии, т. II, М., 1963, с. 127.

լիայի վարած ավանդական հայտնի քաղաքականությունը: Նրա հրաժարականը էական դեր չխաղաց Հայկական հարցը որևէ կերպ լուծելու ընթացքի վրա: Դերերին նույն դիրքորոշումն ունեւր Հայկական հարցի նկատմամբ, ինչպիսին հետագայում պետք է դրսևորեն Սուլթերին:

Բիքոնսֆիլդի պնդմամբ Սան-Ստեֆանոյի պայմանագիրը փակ քննարկման առարկա դարձավ Անգլիայի և Ռուսաստանի միջև: 1878 թ. մայիսի 18(30)-ին Լոնդոնում Ռուսաստանի դեսպան Պ. Շուվալովը և Անգլիայի արտաքին գործերի նախարար լորդ Սուլթերին ստորագրեցին գաղտնի համաձայնագիր Սան-Ստեֆանոյի ռուս-թուրքական նախնական պայմանագիրը Անգլիային ընդունելի դարձնելու համար:

Պայմանավորվածություներ ձեռք բերվեց որ Սան-Ստեֆանոյի պայմանագրի 16-րդ հոդվածում՝ Արևմտյան Հայաստանում բարենորոգումներ անցկացնելու վերահսկողության վերաբերյալ պարունակող խոստումները Բեռլինի վեհաժողովում տրվեն ոչ թե բացառապես Ռուսաստանի, այլ նաև Անգլիայի անունից: Փոխարենը Անգլիան պարտավորվում էր չիականաբերել Ռուսաստանին ձեռք բերելու Բաթում նավահանգիստը:

Նա համաձայնեց նաև, որպեսզի Ռուսաստանը վեհաժողովում պնդի պահպանելու ստատուս քվո, այսինքն՝ պահպանի իր գրաված տարածքները, պայմանով, որ ապագայում Ռուսաստանի սահմանները չէին ընդարձակվելու Ասիական Թուրքիայում: Անգլիան իր այդ պահանջը հիմնավորում էր նրանով, որ ռուսական սահմանների հետագա ընդարձակումը կարող էր վտանգել «Թուրքիայի բնակչության անդորրը»: Իրականում Անգլիային անհանգստացնում էր Ասիական Թուրքիայում Ռուսաստանի դիրքերի հետագա ուժեղացման հնարավորությունը: Ռուսաստանը դիմեց փոխհամաձայնություն: Նա այլևս հնարավորություն չունեւր շարունակելու պատերազմը:

Այսպիսով, Անգլիայի ձեռման միջոցով տապանաքար դրվեց Սան-Ստեֆանոյի պայմանագրի 16-րդ հոդվածի վրա, և այնքան ծանր, տր այն այլևս տեղից շարժելու ոչ մի հեռանկար չունեցավ:

Պատմությունն արձանագրեց ռուսական դիվանագիտության պարտությունը:

1878 թ. մայիսի 30-ին Սուլթերին տեղյակ պահեց Լեյարդին, որ Ռուսաստանի հետ ձեռք բերված համաձայնությունը Սան-Ստեֆանոյի պայմանագրի այն հոդվածները, որոնք վերաբերում են եվրոպական Թուրքիային, ռազմականաչափ ձեւափոխվել են, որպեսզի լինեն ներդաշնակ եվրոպական մյուս երկրների և մասնավորապես Անգլիայի շահերին: Այնուամենայնիվ, — շարունակում էր Սուլթերին, — նման հեռանկար չկա պայմանագրի այն մասի վերաբերյալ, որն առնչվում է Ասիական Թուրքիային: Բավականաչափ ակնհերե է, որ Ռուսաստանի կառավարությունը պատրաստ չէ նահանջելու Բաթումի և Արաքսի հյուսիս ընկած ամրոցների վերաբերյալ ձեռք բերված համաձայնությունից»:

Սուլթերին դա վտանգավոր էր համարում Օսմանյան կայսրության Ասիական մարզերի և Անգլիայի շահերի համար և ավելացնում էր. «Անհնար է, որ նորին մեծության կառավարությունն այս փոփոխություններին կարող է նայել անտարբերությամբ»:

Նշելով, որ Ասիական Թուրքիայի բնակչությունը բաղկացած է տարբեր շատ ազգերից, Սուլթերին վտանգավոր էր համարում այնտեղ քաղաքական փոփոխություններ անցկացնելը, որոնք կարող էին սպառնալ Մեծ Բրիտանիայի շահերին: Սուլթերին Անգլիայի շահերի տեսակետից վտանգավոր էր համարում նաև Բաթումը, Կարսը և Արդահանը Ռուսաստանի ձեռքում թողնելը³³:

Սուլթերին այս տեղեկությունները կոչված էին դեսպանի կողմնորոշման համար: Դրանք կազմելու էին այն քաղաքականության հիմքը, որը վարելու էր Անգլիան առաջիկայում տեղի ունենալիք Բեռլինի վեհաժողովում:

³³ British documents..., vol. I, p. 177--178.

Նրբ անգլիական մամուլին հայտնի դարձավ մայիսի 30-ի անգլո-ռուսական զաղտնի պայմանագրի բովանդակությունը, սկսվեցին զանգվածային հարձակումներ Բիքոնսֆիլդի և Սոլսբերիի վրա՝ Ռուսաստանին իբր թե «զիջումներ» անելու համար։ Կասկած չկա, որ դա կազմակերպվել էր իր իսկ՝ Բիքոնսֆիլդի կողմից, որպեսզի հետագայում արդարացվեր մայիսի 30-ի համաձայնագրով Ռուսաստանին տրված խոստումներից հրաժարվելը։ Լեյարդին միաժամանակ հանձնարարվեց հայտնել սուլթանին, որ այդ համաձայնությունը որպես միջոց է ծառայեցվել Սան-Ստեֆանոյի պայմանագրից հանելու թուրքիային առավել վտանգ սպառնացող հողվածները, և որ Անգլիայի կառավարությունը չի փոխել իր վերաբերմունքը թուրքիայի նկատմամբ։

Տեղյակ չլինելով դիվանագիտական այս խաղերին, հայոց պատրիարք Ներսեսը փորձեց կանխապես ձեռք բերել Անգլիայի հովանավորությունը Բեռլինի վեհաժողովում։ Նա ըզրտեց, որ Անգլիան արդեն խոսք էր տվել սուլթանին «զենքի ուժով օգնել նրան՝ պաշտպանելու թուրքիայի առիական տիրույթները ռուսական ոտնձգություններից»։ Եվ երբ 1878 թ. մարտի 18-ին պատրիարքը դիմեց Լեյարդին, նա բացահայտ կերպով բաժարվեց Հայ դատը պաշտպանելու՝ Անգլիայի նախկինում արված հանդիսավոր խոստումներից և այդ մասին մարտի 20-ին հաղորդեց Դերբիին⁸⁴։

Զբաղարարվելով իր կառավարությանը արդեն բազմիցս տված խորհուրդներով՝ Լեյարդը մարտի 25-ին Դերբիին հղած հեռագրում նորից է պնդում, որ հայերին ինքնավարություն տալը ձեռնառու չէ լրիտանական շահերին⁸⁵։

Ներսես պատրիարքը չէր կարողացել ընկալել, որ Լեյարդը հայատյաց դիրքորոշում ունի և նրան էր կրկին ու կրկին դիմում՝ խնդրելով Անգլիայի կառավարության պաշտպանությունը⁸⁶։ Պատրիարքին շփոթության էր մատնել Անգլիայի ձգտումը Արևմտյան Հայաստանում բարենորոգումներ անցկացնելու ուղղությամբ։ Նա այդպես էլ չհասկացավ, որ Անգլիային հետաքրքրում էին ոչ թե հանուն հայերի բարենորոգումներ անցկացնելը, այլ այն մեխանիզմները, որոնք բարենորոգումներ անցկացնելիս հնարավորություն կտային Անգլիային թուրքիան վերածելու երկրորդ Հեղեկաստանի, որը բացառապես ենթարկվելու էր Անգլիային։ Բայց, գտնվելով հաճելի ինքնախաբեության մեջ, արևմտահայերը չէին կորցրել հույսերը՝ Բեռլինի վեհաժողովում հասնելու իրենց նպատակներին։ Փորձությունները դեռևս առկաում էին։

1878 թ. մայիսի 30-ին Ռուսաստանի հետ ձեռք բերած համաձայնությունից հետո, Բիքոնսֆիլդը հունիսի 4-ին Լեյարդի միջոցով վերջնագիր ներկայացրեց Աբդուլ Համիդին, որ եթե նա 48 ժամվա ընթացքում չհամաձայնի Անգլիայի հետ պաշտպանական ալյանս կնքելու, ապա թուրքիան կզրկվի Անգլիայի բարեկամությունից, ինչը կհանգեցնի ռուսների կողմից Կ. Պոլսի գրավմանը և Օսմանյան կայսրության բաժանմանը։ Դաշինքը կնքելու դեպքում Անգլիան իր վրա պարտականություն էր վերցնում ռազմական ուժով թուլ չտալ Ռուսաստանին Ասիական թուրքիայից որևէ այլ հող գրավելու խոսքը ֆնտմ էր Արևմտյան Հայաստանի տարածքների մասին⁸⁷։

Վստահ չլինելով, որ այս փաստարկները որոշիչ ազդեցություն կունենային սուլթանի վրա, Բիքոնսֆիլդը սպառնում էր, որ եթե թուրքիան չընդունի իր առաջարկները, ապա Անգլիան կհարաժարվի Բեռլինի վեհաժողովում թուրքիային պաշտպանելուց և իր անվտանգությունն ապահովելու համար ստիպված կլինի գրավել Կիպրոսը։

84 Նույն տեղում, էջ 161—162։

85 Նույն տեղում, էջ 162—163։

86 Նույն տեղում, էջ 168—169, 180, 181։

87 Տե՛ս „British documents...“, vol. I, p. 179; R. S. Salahi, նշվ. աշխ., էջ 36—39։

Արագուշ Համիդը կատաղությունից եղունգներն էր կրծոտում, սակայն չհամաձայնելու հնարավորություն չուներ: Նա ստիպված ձեռքերը վեր բարձրացրեց:

Կարելի էր նախանձել, թե ինչպիսի նրբությամբ, վճռականությամբ ու հետևողականությամբ էր ղործում անգլիական դիվանագիտությունը:

Հունիսի 4-ին Կ. Պոլսում Անգլիայի դեսպան Հ. Լեյարդը և Թուրքիայի մեծ վեզիր Սափֆետ փաշան ստորագրեցին «Պաշտպանողական դաշնակցություն Անգլիայի և Թուրքիայի միջև», որն ուղղված էր Ռուսաստանի դեմ: Հավաստելով պայմանավորվող կողմերի ցանկությունը՝ «ընդլայնելու և հաստատելու բարեկամության այն կապերը, որոնք բարեբախտաբար գոյություն ունեն երկու կայսրությունների միջև», համաձայնություն ձեռք բերվեց «կազմել պաշտպանողական դաշնակցության մի դաշնագիր, որը նպատակ ունի ապագայում ապահովելու նորին մեծություն սուլթանի հողերի անվտանգությունն Ասիայում»:

Պարմանագրի առաջին հոդվածն ազդարարում էր. «Եթե Ռուսաստանը, իր ձեռքում պահելով Բաթումը, Արդահանը, Կարսը կամ նրանցից մեկն ու մեկը, այսուհետև երբևիցե փորձ անի տիրելու Ասիայում ն.կ.մ. սուլթանի ունեցած այն երկրներից որևէ մի մասին, որոնք խաղաղության վերջնական դաշնագրով արտի որոշվեն, այն ժամանակ Անգլիան պարտավորվում է միանալ ն.կ.մ. սուլթանի հետ, զենքի ուժով այդ երկրները պաշտպանելու համար»:

Երկրորդ հոդվածով Թուրքիան իր համաձայնությունն էր տալիս, որ պետքի «Կիպրոս կղզին օկուպացվի և կառավարվի Անգլիայի կողմից»³⁸, իդրու անեքսիան Անգլիան հիմնավորում էր Թուրքիայի նկատմամբ Ռուսաստանի դեմ ստանձնած փր պարտավորությունները կատարելու անհրաժեշտությամբ:

Բիքոնաֆիլդը Վիկտորիա թագուհուն գրած նամակում (1878 թ. մայիսի 5) Կիպրոսն անվանում էր «Արևմտյան Ասիայի բանալի»: Հունիսի 4-ի պայմանագրով Կիպրոսն անեքսիայի ենթարկվեց Անգլիայի կողմից, չնայած այս փաստը թագուհին վավերացրեց միայն 1914 թ. նոյեմբերի 5-ին:

Թուրքիայից խլելով մի «համեղ պատառ», որը հենակետ պետք է ծառայեր շուտով Եգիպտոսը զավթելու համար, Անգլիան փարիսեցիաբար հանդես էր գալիս Օսմանյան կայսրության տարածքային ամբողջականության պաշտպանությամբ, որպեսզի Ռուսաստանը որևէ հավակնություն չդրսևորեր Թուրքական տարածքների նկատմամբ: Դա Անգլիայի ավանդական քաղաքականությունն էր, որը փայլելու էր Բեռլինի վեճաժողովում:

ВОПРОС САМОУПРАВЛЕНИЯ ЗАПАДНОЙ АРМЕНИИ НАКАНУНЕ БЕРЛИНСКОГО КОНГРЕССА 1878 ГОДА

Академик НАН РА Г. А. ГАЛОЯН

Р е з ю м е

Выявленные нами документы из архивов разных стран, изданные на английском языке материалы британских и турецких архивов, новейшие исследования английских, турецких, равно как и армянских и русских историков, а также армянская периодика XIX века позволяют раскрыть подлинную картину политики великих держав в Армянском вопросе накануне Берлинского конгресса 1878 года. Победа

³⁸ British documents, vol. I, p. 398—399; Լեռ, հայոց հարցի վավերագրերը, էջ 103, 104.

России в русско-турецкой войне 1877—1878 гг. увенчалась заключением Сан-Стефанского предварительного договора, который закрепил за Россией завоеванные ею территории в Западной Армении. Однако под давлением Англии, Австро-Венгрии и других европейских держав Россия вынуждена была согласиться на пересмотр этого договора. Русско-английский договор от 30 мая 1878 года гарантировал интересы европейских держав в Малой Азии, а англо-турецкий договор от 4 июня 1878 года гарантировал поддержку Англией Турции на предстоящем конгрессе в Берлине. Руководители национально-освободительного движения армянского народа не сумели правильно сориентироваться в сложной ситуации, а турецкий султан Абдул Гамид II успешно использовал противоречия европейских держав на Ближнем Востоке и ошибки армянской дипломатии, обеспечив интересы турецкой империи. Западные армяне, находясь в состоянии приятного самообмана, тщетно надеялись, что на Берлинском конгрессе добьются самоуправления.